

V. KAFLI
Lagastoð, gildistaka o.fl.
18. gr.

Samþykkt þessi sem samin er af heilbrigðisnefnd Hafnarfjarðar- og Kópavogssvæðis og samþykkt af bæjarstjórn Álfenness staðfestist hér með samkvæmt ákvæðum 25. gr. laga nr. 7/1998 um hollustuhætti og mengunarvarnir til þess að öðlast gildi við birtingu.

Umhverfisstjórnuneytinu, 12. nóvember 2004.

F. h. r.
Ingimar Sigurðsson.

Sigurbjörg Sæmundsdóttir.

REGLUGERÐ
um (2.) breytingu á reglugerð nr. 460/2003
um styrki Tryggingastofnunar ríkisins vegna hjálpartækja.

1. gr.

Við 2. mgr. 4. gr. bætast tveir nýir málslíðir sem orðast svo:

Innkaup sjúkratryggðra hverju sinni skulu aldrei vera meiri en sem nemur þriggja mánaða notkun. Tryggingastofnun ríkisins getur afturkallað áður útgefið skírteini ef eigandi þess notar það til að taka út vörumagn sem er í ósamræmi við það stig sjúkdóms eða fötlunar sem er forsenda útgáfu skírteinisins.

2. gr.

Í 2. málsl. 7. gr. komi í stað orðanna „4. mgr. 3. gr.“ orðin „5. mgr. 3. gr.“.

3. gr.

Við reglugerðina bætist „Ákvæði til bráðabirgða“ sem orðast svo:

Tryggingastofnun ríkisins gefur út ný skírteini vegna efna til blóðsykursmælinga (blóðstrimla), sbr. 2. mgr. 4. gr. og flokk 0424 í fylgiskjali með reglugerð þessari, að fenginni staðfestingu læknis á flokkun sykursýki hjá sjúkratryggðum einstaklingi. Skírteini vegna efna til blóðsykursmælinga sem gefin hafa verið út fyrir 1. desember 2004 falla úr gildi 1. febrúar 2005.

4. gr.

Eftirfarandi breytingar verða á fylgiskjalinu „Hjálpartæki frá Tryggingastofnun ríkisins“ með reglugerðinni:

Í flokknum **04 Hjálpartæki til meðferðar og þjálfunar** verða eftirfarandi breytingar:

a. Flokkurinn **0424 Búnaður (tæki og efni) til mælinga (efnamælinga)** orðast svo:

Einnota rannsóknarbúnaður er greiddur 90% fyrir börn og unglinga og lífeyrisþega en 80% fyrir aðra þó með hámarki fyrir efni til blóðsykursmælinga (blóðstrimla) og blóðsykursmæla. Eftirtaldir sjúkratryggðir einstaklingar eiga rétt á greiðsluþátttöku í blóðstrimlunum:

a) Þeir sem eru með sykursýki I; b) þeir sem eru með sykursýki II og nota insúlín eða insúlín og lyf í töfluformi sem geta valdið blóðsykursfalli eða eru með meðgöngusykursýki geta fengið að hámarki 1100 blóðstrimla á 12 mánaða tímabili (22 pakkningar); c) þeir sem eru með sykursýki II og nota lyf í töfluformi sem geta valdið blóðsykursfalli og svo þeir sem nota lyf í töfluformi sem ekki valda blóðsykursfalli en vegna læknisfræðilegra röksemda þurfa að mæla blóðsykur geta fengið að hámarki 300 blóðstrimla á 12 mánaða tímabili (6 pakkningar). Blóðstrimlar samkvæmt framangreindu eru samþykktir 90% fyrir börn, unglinga og lífeyrisþega og er hámark greiðslu fyrir pakkningu (50 stk.) kr. 3.825, en 80% fyrir aðra og er hámark greiðslu kr. 3.400. Mælar til blóðsykursmælinga eru greiddir 50%, hámark kr. 7.000. Blóðsykursmælar eru að jafnaði greiddir á þriggja ára fresti. Veitt er hjálpartækja-skírteini fyrir samþykktum einnota vörum og þarf að framvísa því við kaup. Lífeyrisþegar þurfa auk þess að framvísa viðeigandi skírteini/skiloríkjum.

04 24 03 Efni til þvægmælinga (þvægstrimlar) 80/90%

04 24 12 Efni til blóðsykursmælinga (blóðstrimlar) 80/90% m/ákv. hámarki, sbr. framangreint

04 24 90 Mælar til blóðsykursmælinga 50% m/ákv. hámarki, sbr. framangreint

b. Við flokkinn **0448 Hreyfi-, kraft- og jafnvægistæki** bætist á eftir flokksnum 044806 nýr flokkur sem orðast svo:

04 48 90 Fylgihlutir við standgrindur og standbretti 100%

Í flokksnum **06 Stoðtæki (spelkur, gervilimir og bæklunarskór) og gervihlutar aðrir en gervilimir** verða eftirfarandi breytingar:

a. Í síðasta málsl. 3. mgr. í flokksnum **0603 Hryggspelkur** falla brott á eftir orðunum „Að öðru leyti eru hryggspelkur greiddar 70%,“ orðin „sbr. t.d vegna krabbameins, lamana og hrönnunarsjúkdóma.“

b. Flokkurinn **0630 Gervihlutar aðrir en gervilimir** orðast svo:

Hárkollur: TR veitir styrk til kaupa á hárkollum og eða sérsniðnum höfuðfötum, gerviauga-brúnum, augnhárum, þegar um er að ræða varanlegt hárleysi, hárleysi vegna krabbameins-meðferðar eða innkiirtlameðferðar eða útbreiddan langvarandi blettaskalla (í meira en eitt ár). Styrkur er hámark kr. 43.000 á ári, óháð hvort um er að ræða hárkollur, sérsniðin höfuðföt, gerviauga-brúnir eða augnhár. Styrkur til kaupa á hárkollu er ekki veittur þegar um venjulegan karlmannaskalla er að ræða. Styrkurinn er veittur til eins eða tveggja ára í senn eftir eðli vandans.

Gervibrjóst: TR veitir styrk til kaupa á gervibrjóstum og eða sérstökum brjóstahöldum fyrir gervibrjóst vegna brjóstmissis kvenna. Styrkur er hámark kr. 43.000 á ári vegna missis annars brjósts og hámark kr. 86.000 á ári vegna missis beggja brjósta. Styrkurinn er veittur til eins eða tveggja ára í senn eftir eðli vandans.

Gerviantlitshlutar (inn í góm) sem gerðir eru utan sjúkrahúsa vegna krabbameins, klofins góms eða sambærilegra tilvika, s.s. slysa, falla einnig undir gerviantlitshluta.

06 30 03 Hárkollur og eða sérsniðin höfuðföt, gerviaugnabrúnir, augnhár 100% að hámarki kr. 43.000 á ári, sbr. framangreint

06 30 18 Gervibrjóst og eða sérstakir brjóstahaldarar fyrir gervibrjóst 100% að hámarki kr. 43.000 / kr. 86.000 á ári, sbr. framangreint

06 03 24 Gervieyru 100%

06 03 27 Gervinef 100%

06 03 30 Gerviantlitshlutar (utan á eða innanvert í andlit) 100%

Í flokknum **09 Hjálpartæki við persónulega aðhlynningu og fatnaður** verða eftirfarandi breytingar:

a. Flokkur 09 03 48 fellur brott.

b. Flokkurinn **0931 Hjálpartæki vegna hægðaleka** orðast svo:

TR er heimilt að greiða endaparmstappa til þeirra sem eiga við hægðaleka að stríða vegna alvarlegs skaða í miðtaugakerfi (s.s. mænuskaða vegna klofins hryggjar) eða annars sambærilegs alvarlegs sjúkdómsástands. Greiðsluþátttakan nær einungis til þeirra er stunda sund í hæfingarskyni þegar það er ótvíræður kostur að sundþjálfun sé stunduð vegna viðkomandi fötlunar og eða þeirra sem nauðsynlega þurfa slíkan búnað til að geta stundað vinnu sína. TR greiðir 90%, þó að hámarki kr. 800 pr. stk. Miðað er við hámark 250 stk. á ári.

TR greiðir endaparmsrör að fullu vegna alvarlegs og langvarandi vandamáls við hægðalosun. Veitt á grundvelli hjálpartækjaskírteinis til 1, 5 eða 10 ára í senn, þó að hámarki kr. 1.600 pr. stk. Miðað er við hámark 7 stk. á ári.

09 31 06 Endaparmstappar 90% að hámarki kr. 800 pr. stk.

09 31 90 Endaparmsrör (rectalrör) 100% að hámarki kr. 1.600 pr. stk.

Í flokknum **18 Húsbúnaður** verður eftirfarandi breyting:

Í flokknum 18 18 90 fellur orðið „handföngum“ brott.

5. gr.

Reglugerð þessi, sem sett er með stoð í 3. mgr., sbr. a-lið 1. mgr., 33. gr. laga nr. 117/1993 um almannatryggingar, með síðari breytingum, öðlast gildi 1. desember 2004.

Heilbrigðis- og tryggingamálaráðuneytinu, 16. nóvember 2004.

F. h. r.

Ragnheiður Haraldsdóttir.

Vilborg Þ. Hauksdóttir.

AUGLÝSING

um breytingu á auglýsingu nr. 414/2001 um flokkun og greiningu í bókhaldi og reikningsskilum sveitarfélaga.

1. gr.

Eftirfarandi breytingar verða á 1. gr.:

a. Undir aðalsjóði bætist við málaflokkurinn 22 Breyting lífeyrisskuldbindinga.

b. 5. mgr. orðast svo:

Um samantekin reikningsskil a og b hluta sveitarfélaga vísast til laga um ársreikninga, nr. 144/1994, með síðari breytingum, og reglugerðar, nr. 696/1996, um framsetningu og innihald ársreikninga og samstæðureikninga.

2. gr.

Eftirfarandi breytingar verða á 2. gr.:

a. Við bætist málaflokkur 22 Breyting lífeyrisskuldbindinga.